

Graf Heinrich von Sax-Misox bestätigt dem Hans Yter die von Rudolf von Hohenems an diesen verkauften, von den Vaistli, Säger und Jörg Gross stammenden Lehensrechte in Schaan.

Or. (A), StiftsA St. Gallen, RR.1.B.14. – Pg. 30,5/18 (Plica 5) cm. – Siegel abh. – Rückvermerk (15. Jh.): 1478. Lehenbrief Schaan betreffend.

Abschrift (18. Jh.): LLA, U89/16.

Regest: Kaiser/Brunhart 1, S. 344; Büchel, Urk. Kloster St. Johann, Nr. 17, S. 47.

l¹ Wir^{a)} Hainrich grauff zů Mosägx¹ her zů Belmont² etc. bekennend offenlich mit disem brieff für vns vnd für all vnser erben, als dann l² der edel vnd vest Růdolff von Emptz von hohen Emptz³ das lechen zů Schan⁴ gelegen, das wilend die Vaistly, die Säger vnd Jörg Gross l³ jnngehept habent, von vns ze lechen jngehept vnd empfangen vnd dz Hansen Yter gegeben vnd vns geschrifflich vnder l⁴ sinem jnsigel gebetten haut, demselben Hansen Yter zů lichen, sol mencklichem zů wissen sin, das wir das berürt lechen l⁵ mit aller zůgehört vnd gerechtikait, vnd wie dann das der genampt Růdolff jnngehept vnd genossen haut, dem gemelten l⁶ Hansen Yter vnd allen sinen erben gelichen habent, lichenent jn öch das jn krafft diss brieff, was wir jnen daran ze recht lich- l⁷ en sollent vnd mögend, das sy das nu fürohin sampt vnd sonder mögend jnnhaben bruchen vnd nuzen nach irem geuallen, l⁸ wie dan solichs der gemelt Růdolff genossen vnd jnngehept haut. Vnd darvmm haut vns der genampt Hans Yter aynen ge- l⁹ lerten ayd geschworn, ze dienen vnd ze tůn alles das, so dann ain lechensman sinem heren von rechtz wegen ze tůn schuldig l¹⁰ ist, alles vngeuarlich. Wir vnd vnser erben sollent öch vnd wollent jm vnd sin erben solich berürt lechen alweg, vnd als dick es l¹¹ zů schulden kumpt, vertigen vnd lichen nach lechensrecht, das sy öch, als oft es zů schulden kumpt, nach lechensrecht l¹² empfachen sollent, allweg an vnser manschafft vnd lechen öch schaden, alles getruwlich vnd vngeuarlich. Vnd des zů wa- l¹³ rem vrkund vnd gůten sicherhait so haben wir vnser aygen jnsigel offenlich lausen hencken an disen brieff für vns vnd l¹⁴ für all vnser erben. Der geben ist an samstag vor sant Jörgen tag, als man zalt von gottes geburt vierzechen hundert sy- l¹⁵ bentzig vnd acht jar.

^{a)} *Initiale W 3/2,5 cm.*

¹ *Heinrich VI. v. Sax-Misox, 1427-1488.* – ² *Belmont, Gem. Flims, Kr. Trins GR (CH).* – ³ *Rudolf v. Hohenems (Vorarlberg A), 1451-†1503.* – ⁴ *Schaan.*